

周

易

象

義

易象義卷之二



艮下
坤上

謙亨君子有終 彖曰謙亨天道下濟而光明地道卑而上行天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之終

艮下坤上謙卦取山下于地歲至高于至下故為謙謙則無往不亨通矣人惟內剛外柔則道德足以消融物我而莫不受敬亦有謙亨之象君子有終惟君子艮止之德本諸中坤順之行見於外終身一于謙

而可永終也 彖曰謙亨何以言之天道下濟而光
明地道卑而上行天道指九三也一陽在坤卦之下
以為卦主故云下濟艮有光明之象地道指上三爻
坤本下而今居艮之上故云上行艮陽在內坤陰在
外天德潛光下濟而地氣順之上升陽降陰升品物
露生此謙之所以亨歟天道虧盈而益謙地道變盈
而流謙鬼神害盈而福謙人道惡盈而好謙觀之天
道所益地道所流鬼神所福人道所好莫不萃之於
謙可見人當一於謙也謙尊而光下艮是也卑不可
踰上坤是也以崇高之山歲于卑下之地本高而能

卑雖卑而實高此所以尊而光卑而不可踰也君子
惟知以此而始以此而終終身由之不敢自滿盈也
謙卦以三爻為主三陽為下卦之終且有止義故取
有終之象君子即三爻之陽剛也坤亦有代終之義
初六謙謙君子用涉大川吉 象曰謙謙君子卑以自
牧也

初六位本卑下又能以柔順處之謙而入謙者也君
子之道也且柔中有剛何往不宜何險不濟故用涉
大川吉可見處險亦為謙之為善也象曰卑以自牧
也君子之謙豈特處人能退讓之謂哉反己自治如

牧人之於物必時其馴擾以順其性情斯可自抑其血氣而純乎理義之用雖險難亦无不利矣

六二鳴謙貞吉 象曰鳴謙貞吉中心得也

六二柔順得中是謂謙德克積于中而詞氣之出自然謙抑故為鳴謙之象 由中達外一歸於理義之正吉之道也夫言由中出不可偽為二本得中得正故耳若云自家號鳴其謙非謙德矣象曰中心得也謙順之德自然發之聲音言論一皆中心所自得者豈矯強以為之哉

九三勞謙君子有終吉 象曰勞謙君子萬民服也

九三一陽為衆陰所歸而居坤衆之下是謂有大功
勞于天下不矜不伐語以其功下人者也故為勞謙
之象然處下卦之終且艮有止義故為君子有終吉
陽剛處陰柔之中始終不易亦為有終之象即卦辭
所謂君子有終是也象曰萬民服也卦惟一陽群陰
皆其民也萬民之服豈服其勞哉功勞蓋天下而德
盛禮恭萬民自悅服矣書曰汝惟不矜天下莫與汝
爭能汝惟不伐天下莫與汝爭功此爻得之九三陽
剛為卦主故萬民服五柔則利用征不服矣
六四无不利撝謙 象曰无不利撝謙不遠則也

六四陰柔處三陽之上五陰之下無所不利以施其
謹者也是不為謹德中藏凡動息進退莫非謹之所
施矣象曰不遠則也蓋卑巽自持本有天然之則故
柔順卑法于地以此施之于三則能下下以此施之
於五則能承上施之上下咸當其則所以无不利也
可見其為謹者亦天理所當施無所為而有者矣
二之謹見于言四之謹見于行三則有功不伐此卦
由三而成也

六五不富以其鄰利用侵伐無不利 象曰利用侵伐
征不服也

六五柔居尊位能自處謙下不自有其崇富而以其
鄰者也蓋陰與陰為鄰而匪陽則不富惟六五中虛
謙德自持故有不富以其鄰之象是不富即所以形
容其謙而以其鄰則謙之至矣然而有不服者抑豈
徒柔以待之哉柔不能綏則當剛以克之六雖柔而
位本剛故又有利用侵伐之象如此則剛柔得中所
以無不利也昔禹征有苗而益贊以謙謙之義始此
象曰利用侵伐征不服也所征伐者止于不服則師
亦不得已而用之為耳否則可以化誨懷服而亦伐
之豈得為謙道哉觀征伐亦謙所不廢則謙不專於

柔而剛以克巳斯為柔中之道

上六鳴謙利用行師征邑國 象曰鳴謙志未得也可
用行師征邑國也

上六陰柔在上處謙之終而形諸言語莫非巽順亦有鳴謙之象但處高不中或過于柔順而有當克者雖用之行師亦可也故有利用行師征邑國之象五上皆坤體坤為衆為順故象行師坤土故象邑國然謙而至于與師侵伐者豈專以征人為先征者正也所以正己之不正也即如五上皆宜剛克以自正其陰柔之私乃所以為謙之善也象曰鳴謙志未得也

可用行師征邑國也謂詞雖譙而不盡由表故志未
得而志于行師然亦可用自治其邑國而已安能
如五之征不服哉夫鳴譙一也二之中心得者得以
中也處三之下也上之志未得者未得以不中也處
三之上也所以鳴譙雖同而中心得者為貞吉志未
得者安能已於邑國之征乎信乎譙不由中則已私
未去不容不自克也

下三爻艮也皆吉上三爻坤也皆利艮靜而坤順也

䷏ 坤下
震上

豫利建侯行師 彖曰豫到應而志行順以動豫豫順以動故天地如之而况建侯行師乎天地以順動故日月不過而四時不忒聖人以順動則刑罰清而民服豫之時義大矣哉

坤下震上豫卦取雷出地上陽氣和暢故為豫坤順震動順在動之先也惟震動于坤之上故利建侯以君萬邦惟坤順于震之下故利行師以動大衆斯二者非人心之豫順和樂不能也坤為衆有師旅之象震為卦主以統衆陰有侯之象 彖曰到應而志行

順以動豫九四以一陽為群陰所應是其剛氣激乎
上下而其志得行矣豈有所矯拂乎其間哉以卦德
言之坤遇乎震是內順以外動為能順以動而一無
所強此所以豫也豫順以動雖天地之大且如之天
地亦順以動也况建侯順乎人心所欲立行師順乎
人心所欲去而有不然哉觀之天地以順動故日月
不過而回時不或晝夜寒暑皆如之也聖人以順動
則刑罰清而萬民服刑幾于措萬國共咸寧矣天地
无心而成化聖人有心而无為要皆順理而動行所
無事也否則豫悅而不本乎人心之順動則與天地

聖人異矣可見時乎未動必順以先之時乎既順則
動以行之人心悅豫惟其時耳信乎豫之時其義為
甚大也君子不可不察凡彖傳中故字承上起下最
宜玩

初六鳴豫凶 象曰初六鳴豫志窮凶也

初六陰柔在下因九四震鳴于上即欲鳴豫悅以應
之故有鳴豫之象兌至發諸聲音則肆情縱欲無所
不至凶之道也象曰志窮凶也方豫之初乃欲窮極
其所欲則志得意滿其凶也必矣

六二介于石不終日貞吉 象曰不終日貞吉以中正

也

六二以陰居陰位本中正當悅豫之時與四全無比
應節介極其堅見幾極其明如石之介而畧无沾滯
故有介于石不終日之象夫人之所以不明決者不
中正故也六二大中至正知微知彰知柔知剛方其
未感而其介如石及其有感而不俟終日如是則中
心無為而守至正幾微之際應感如神何吉如之係
辭所謂吉之先見是也六二處坤土之中有石之象
初應四而鳴三比四而盱二獨介然于中其堅如石
不終日見之豫也象曰不終日貞吉以中正也惟有

中正之德絕無係恋九四之意其殆先事而豫者乎
六三盱豫悔遲有悔 象曰盱象有悔位不當也

六三以陰居陽徒見九四為豫之主欲進而上視其
豫未能即從亦已貪慕其速樂矣其心不能以無悔
也但其悔也非得之于幾先者也必待事理暴著禍
患切身乃能知悔是亦遲而有悔者矣六三以下視
上有盱之象又雖近而隔于兩體有遲之象象曰盱
豫有悔位不當也位不中正所以 悔也悔之遲也
所謂猶豫是也

九四由豫大有得勿疑朋盍簪 象曰由豫大有得志

大行也

九四一陽為豫之主因天下之順而動之豫之所以
豫者由九四也陽剛一動衆陰莫不順從其有得也
大矣故為由豫大有得之象斯時也蓋可以陰類朋
黨而疑之哉當開誠布公勿懷疑貳則五陰朋聚我
以一陽貫之于中如括髮橫簪而有朋盍簪之象觀
之卦体其象儼然陽剛震体本能勿疑但德陽位陰
未離朋類且處五位之下故以此最之象曰志大行
也振剛明之志以成天下之豫則動罔不得而樂与
人同其志可大行矣陽本大也即彖傳所謂剴應而

行是也

六五貞疾恒不死 象曰六五貞疾乘剛也恒不死中未亡也

六五柔位乎剛且乘震体陽剛以動位雖正而有疾也故為貞疾之象但柔弱雖不能去疾位中猶可常存故又有恒不死之象九四一卦由之以豫五獨以陰乘之殆欲豫而不可得者也故此爻獨不言豫惟不豫故疾象曰六五貞疾乘剛也以五柔乘四剛以正得疾五尚可乘乎四也恒不死中未亡也中者人所得以生之理夫固其可恒者所以中雖有疾不至

於亡使不恒則死亡可知矣信乎生于憂患死于安樂不可不慎故互取不豫之象

上六冥豫成有渝无咎 象曰冥豫在上何可長也

上六豫之極也又以陰柔居之故為冥豫成之象然極則必變且震動之終不容不改故冥豫雖成又為有渝之象過而能改庶幾其无咎乎象曰冥豫在上何可長也不可長則可渝矣此雖據豫卦之終而言之實因冥豫之成許其有渝以補過要亦以震而得无咎也

卦彖大象皆取和豫之義惟四爻為和豫也初上逸

豫二豫先三猶豫五弗豫玩辭可見

三震下
兌上

隨元亨利貞无咎 彖曰隨則來而下柔動而說隨大
亨利无咎而天下隨時隨時之義大矣哉

震下兌上隨卦取陽動陰說故為隨下卦陽則震動
上卦陰柔兌說本大亨通初則上柔位本利貞而得
无咎者何也陰陽動說多易徇乎情以已隨人未必
一循乎道故必元亨利貞四德咸備斯无咎也 彖
曰則來而下柔動而說隨此隨之所以為隨也夫震
則而兌柔震下而兌上此以卦象言之震之一陽在
陰柔之下若自上而來故稱來也震動而兌說陽動

而陰隨此以卦德言之惟動則說故為隨也夫柔隨
剛下隨上者常也剛來下柔則剛隨柔矣下動上說
則上隨下矣如此而隨豈妄隨哉隨以時也故心大
亨利正斯可无咎而天下其隨時矣夫時之所在孰
能違之惟與時俱變畧无意必固我之私則天下之
隨其時者隨其元亨利貞之道也况從時制者下之
分度時宜者上之道則柔上下之隨適當其時則時
無窮隨亦無窮如是而隨何咎之有所以隨時之義
為甚大無億無可無不可非聖之時者其孰能之
隨盛二卦本同一宮也隨之初却自盛之上來故曰

剛來而下柔玩卦象自見

初九官有渝貞吉出門交有功 象曰官有渝從正吉也出門交有功不失也

初九一陽震動于下隨之始也即所謂剛來下柔而為一卦之主是也官宜在上今官而曰隨則我之所主者渝有變矣但隨時而動變而從乎正焉吉之道也然門內之隨多係於情出門之交則之始也惟出門則不私其所隨而隨處得益矣雖四陽若不相應而同德相交惟理是從故又為出門交有功之象初為卦主故曰官震為動脈故曰渝陽得陽位故曰貞初

為交之始故曰出門初前六二陰耦有門象初不比
二而應四故曰有功象曰官有渝從正吉也出門交
有功不失也從正不失元非欲人慎其始隨之意况
正非執一之謂乃變通以隨時也時可隨則隨而不
牽於私故不失其有功斯道豈小補哉

六二係小子失丈夫 象曰係小子弗燕與也

六二陰柔所隨多溺於偏係不能自守以須正應故
為係小子失丈夫之象小子指六三丈夫指九五陰
小陽大二本當應五而比于三故係於偏則失其正
是以象曰係小子弗燕與也偏正不能燕從而公私

義利豈容並行哉隨者以下隨上如行者以後從前亦取陰隨陽義初九震主恐不可以小子名之况易中小字皆指陰言然而係之云者亦隨而泥于私之謂也上拘係則在人不在我矣

六二係丈夫失小子隨有其得利居貞 象曰係丈夫志舍下也

六三以柔居剛本無正應雖所隨不無偏係猶能以下從上以柔從剛也故為係丈夫失小子之象丈夫指九四小子指六二况其所隨者三四相比求即得之耳但三亦震體易動故利居貞二在三下象曰志

舍下也。從上舍下而志亦正。特利在居貞耳。

九四隨有獲。貞吉。有孚在道。以明何咎。象曰：隨有獲，其義吉也。有孚在道，明功也。

九四剛居柔位，本不中正，且兌卦未兌，說人從己，故隨有獲。以己之陽，獲下二陰，謂獲人之隨己如此。則處非其位，而又得衆心，未免勢位相通。雖以下隨上，以陰隨陽，未嘗不正。其實雖正，亦吉。豈知四之所當隨者，在乎孚。五方爲獲，上有道也。果能本之以至誠，而所孚在道，非所見極其明者能之乎。然則誠以孚五，而有孚在道者，以其明也。夫何咎。象曰：隨有獲，其

美也。有孚在通，明功也。蓋四則不正而五則又不
可犯，是以象雖有獲而其美則吉。必所孚在通而惟
明有功，斯可免其凶矣。

九五孚于嘉吉 象曰孚于嘉吉位正中也

九五陽剛居尊且得六二正應，所孚一于中正而至
誠動物，畧無所係蕩、平、天下成不言而信之化
矣。此非隨之至善而得六亨嘉之會者乎？吉可知矣。
象曰：位正中也。上下中正以相孚，則九五之孚一惟
隨乎善而已矣。夫配曰嘉，偶昏曰嘉，禮言陰陽相得
也。隨之世皆急於求合，故各爻皆有係有求有獲，惟

五陽不苟隨而隨出于孚配合孔嘉其吉為何如

五不言係亦不言隨而獨曰孚以其位本中正故也
上六拘係之乃從維之王用亨于西山 象曰拘係之
上窮也

上六坤陰柔順之至隨之極也其文王受理之時乎
文王三分天下有二以服事殷可謂隨之極至无以
加矣時遇暗主既拘係之乃從維之其困窮為何如
也然畢竟隨大亨貞文王用是亨于西山而天下莫
不隨之矣西屬允即文王所居與王用亨於岐山同
君曰享祀則王者祀天地未間偏祀一山者蓋隨君

者臣之道文王之隨非隨討也道在當隨特值平時
之窮耳象曰拘係之上窮也文王時值上六之窮亦
惟盡其在我而已亨則窮而通也此爻惟文王足以
當之固周公舉以屬之文王所以立萬世隨時之法
若以居係固結為隨恐與上窮之象不合且玩隨卦
六爻惟陽之所隨者無所係故初五皆言而四無咎
若陰則不免有所係矣二係小子三係丈夫皆未盡
善獨以拘係人心為隨之至善也可乎

蠱元亨利涉大川先甲三日後甲三日 彖曰蠱剛上而柔下巽而止蠱、元亨而天下治也利涉大川往有事也先甲三日後甲三日終則有始天行也

巽下艮上蠱卦取剛柔不交下巽上止故為蠱蠱則前事之將壞乃後事之方新而蠱之所以事者必大善亨通斯為事之善利涉大川斯為事之濟先甲三日後甲三日因其事之終以為之始而蠱不終于蠱矣 彖曰蠱剛上而柔下巽而止蠱剛上者艮之上九也柔下者巽之初六也剛固在上者止于上爻

以成艮則遇剛矣柔固在下而在下者遜于下又以
成巽則遇柔矣柔在下者既巽而不能為剛在上者
又止而不肯為此所以成蠱也是蠱也果元亨大通
雖天下之大可平治也利涉大川豈徒往哉往有事
而蠱可飭也天干以甲為始以癸為終先甲三日則
為辛壬癸固有終也後甲三日則為乙丙丁實有始
也終則有始天道自然之流行而甲因終以為始者
也天且不能外也人道承先事之終者可不于後事
慎其始哉艮東北巽東南甲正東故有先甲後甲之
象中居震位承艮起巽亦可見終則有始之義若云

若云先甲之辛為自新後甲之丁為叮嚀於終則有始之義不相關至于蠱之困終有始既壞復治序卦蠱者事也雜卦蠱則飭也皆互為發明

觀卦象固見蠱之所由成而卦才則皆足以治蠱者也况易道不重在發明成蠱之由惟重治蠱之道終始相承則爻中所謂父母與子之象亦有着落不必各爻另尋父母之象

初六幹父之蠱有子考無咎屬終吉 象曰幹父之蠱意承考也

初六一陰在下其才雖柔而蠱在于初尚易治也人

子承順父事而幹辦之在父則為有子而考得無咎
父喪稱考子初幹父事亦能為父補咎者也故為幹
父之蓋有子考無咎之象然才弱而事易濟是以始
雖危厲而終吉也巽為木幹亦有根幹枝葉一本相
承之義象曰意承考也事雖不得不改而意在承考
亦可謂善繼父之意矣

九二幹母之蓋不可貞 象曰幹母之蓋得中道也
九二以剛居柔雖與五正應其可專以母歸之五抑
可專以二之剛臣事五之柔君言哉蓋二本巽幹且
為內卦居中幹母之蓋之象即本爻可推矣不然初

嘗以四為父也可乎哉然而不可貞者巽以行權之
謂也大凡母事之壞於內者宜婉曲行之不可執一
以為貞也故曰不可穢亦不孝也若徒恃其正不能
其順承事未免以剛而傷其恩矣象曰得中道也剛
而得中斯巽而不失其正可見柔行巽入乃能幹母
之中道亦非徒令以為巽也

九二幹父之蠱小有悔無大咎 象曰幹父之蠱終无
咎也

九三陽剛大過雖幹父之蠱而不免小有悔者在巽
幹之上而過于剛焉則失順親之道或才氣之奮發

非至誠之感乎故有悔而小也然蠱非剛不足以幹
之縱有咎不至于咎之大矣何也雖以過剛致悔亦
以能剛免咎與其咎之大也无寧悔之小乎象曰終
無咎也要其終而言之不至陷親於不義雖悔何咎
六四裕父之蠱往見吝 象曰裕父之蠱往未得也
六四陰柔得正事不因而大壞然以寬濟寬循習故
常在目前亦若小康而由此以往不可救藥則亦終
于止焉而見吝必矣故為裕父之蠱往見吝之象豈
裕之為不可哉當幹蠱之任既不能防之於未萌又
不能飭之於已壞玩愒歲時雖有善者亦無如之何

矣以四本遇柔又為止艱事多壞於因循故也象曰
往未得也未得所以見各况四之柔懦若此雖欲往
而幹之其可得乎

六五幹父之壘用舉 象曰幹父用舉承以德也

六五陰居陽位才若不足然有剛柔協中之德所以
幹父之壘非徒幹之以才也惟其德協剛柔用能論
親于道承顏順志蒸、又、不格姦父卒為之底豫所
謂善則歸親能用舉以承親者也象曰承以德也六
五之所以承親者以德不以才而一德相承子為孝
子父為慈父用舉揚親子德寧有大干用舉者乎彼

謂用賢射子有令譽又謂用譽即用九二之賢皆于
承以德不相關承與意承考同俱自本文言

上九不事王侯高尚其事 象曰不事王侯志可則也
上九盛之極也陽剛在上才雖足以有為然身原在
於事外而事不可為時又當止故為不事王侯高尚
其事得以自遂其在之上之高也夫既以高尚矣又何
所事哉士何事孟子謂之尚志是以象曰志可則也
此爻本為艮體可止則止志之所以可法則也故獨
以高尚言之而無取于幹盡之事矣下五爻父子終
始相繼宰有可高尚之時乎君臣之間斯有不可則

止之美

上為下盛之極國事已不可為君子值此而高尚其志非得已也

盛以幹盛為尚初五皆柔居剛位二剛居柔位而俱
善者以其剛柔相濟也故上九剛居柔者雖高尚其
事而志可則馬九三以剛居剛而有悔六四以柔居
柔而見吝凡論剛柔者可以定位物之執

地澤臨

三三 兌下 坤上

臨元亨利貞至于八月有吉 彖曰臨到浸而長說而
順到中而應大亨以正天之道也至于八月有吉消不
久也

兌下坤上臨卦取二陽漸進以臨四陰故為臨是臨
也臨以剛陽之德非臨以倖也元亨利貞二陽從下
浸長以臨群陰天道大亨而正四德成備也至于八
月有吉觀即八月之卦二陽在下為臨二陽在上為
觀臨觀相反是以序卦現次于臨乃陰陽消長自然
之理聖人因以出戒謂自臨至觀則陰又盛長而陽

消矣故占 彖曰臨則浸而長指二陽也說而順指
兌坤也則中而應指二五也三句總言臨之所以爲
臨也夫剛之長也必以漸剛之進也說而順剛之中
也而柔中應之大亨而正已有成乾之勢是乃天之
道也造化自然一受人力不與所以元亨利貞也至
於八月有占消不久也陰陽消長若循環然自臨之
十二月以至觀之八月則陰長於下而陽消矣陽長
則吉消則凶也陽方浸長而即惧其消 易經未然
之防常切于方盛之際每類于此

臨八陰數兌少陰屬西方有月象故云八月復七陽

數震少陽屬東方有日象故云七日

初九成臨貞吉 象曰成臨貞吉志行正也

初九一陽在下其氣上行自與群陰相為感通所居者正位所行者正道所感而應皆正人吉之道也故為成臨貞吉之象可見陽雖在平下也其志必欲與二同行以臨群陰 何其正乎是以象曰志行正也行正即書所謂無偏黨反側而惟以蕩平正直為心是也正則吉矣成即成卦之成無心之感也陽本天氣也地感天氣之臨故曰成臨

九二成臨吉無不利 象曰成臨吉無不利未順命也

九二二陽浸長以臨群陰象謂到中而應大才以正
是也故有成臨之象夫以陽臨陰必至誠中孚感而
臨之如此則吉無不利何也二陽雖為卦主足以臨
陰然群陰猶盛且坤有順德而卦剛在上是以象曰
未順命也惟其未順命而又不散以勢臨之必孚以
剛中之德然後吉無不利四陰其順命矣今陰俱在
上亦有未順命之象成從成義為長若云偏也皆也
不免凌逼之意且所感在初不必專指六四在二不
必專指六五苟專有所指則三與上獨非其所臨乎
一卦二陽四陰而四陰俱在二爻之上固有未順命

之象然必成臨斯言無不利即有未順命之義

六三甘臨无攸利既憂之无咎 象曰甘臨位不當也
既憂之咎不長也

六三陰柔不正居二陽之上徒以說賂相媚故為甘
臨之象夫剛長以正終非甘言諂佞之所利是以無
攸利也然憂者甘之反也既能憂而改之庶乎遠善
改過斯無咎甘象兌說象曰甘臨位不當也既憂之
咎不長也以陰處陽而恃兌以為說位既不當矣果
能因此而懷憂懼之心則雖有咎而咎不長俟陽之
自長而臨之可也

六四至臨无咎 象曰至臨无咎位當也

六四陰柔得正與初九正應則柔相為感通臨之至也。以四三之地與澤相比故為至臨之象。彼此以正相感而誠意各極其至則非朋從之私矣。故无咎。夫四本陰位是以象曰位當也。當則何咎之有。况居位既當而以柔應則無不當也。

六五知臨大君之宜吉 象曰大君之宜行中之謂也
六五柔中居尊知九二之剛中浸長而虛中以應之則聰明睿知足以有臨何所不宜故為知臨大君之宜吉之道也。大陽剛本大五位早知二陽之臨能虛

中無聽不自用而自用人所謂知臨所謂大君蓋取
諸此樂取諸人彛之所以為大知也象曰行中之謂
也六五坤體虛中以虛應剛中此中之所以行知之
所以大歟

上六敦臨吉无咎 象曰敦臨之吉志在内也

上六坤順之終敦厚之極也以此臨乎一卦之上是
坤厚載物之德安土以待乎陽剛之來其敦厚為何
如故為敦臨之象且與下五爻陰陽皆無比應牽係
之私實无所不感无所不臨所以吉无咎也俗呼地
上高堆為敦上爻為坤卦最高處故以敦象之象曰

志在內也坤陰在上而志則在手內卦之二陽其所
以為教臨之吉乎

觀盥而不薦有孚顒若 象曰大觀在上順而巽中正以觀天下觀盥而不薦有孚顒若下觀而化也觀天之神道而四時不忒聖人以神道設教而天下服矣

坤下巽上觀卦取二陽在上為四陰所瞻示故為觀大凡君子以一人係天下大瞻仰者端有出于儀文之外故觀諸祭祀當其方盥而未薦之時穆然精誠凝聚恭己無為已矣在下之人固已孚信而顒然以仰之不待既薦始孚而化其感應神速如此即中庸所謂萬恭而天下孚也顒即仰首而觀之象 象

曰大觀在上順而巽中正以觀天下在上者二陽也
二陽本於故在上為大觀卦之象也下坤順而上巽
卦之德也五以陽剛中正之德為天下所觀此其觀
之所以大乎然觀以神用者也觀盥而不薦則不待
既薦而有孚顯若夫固下現而自化矣觀感何其神
乎然化不自化而化于神天道君道其神一也觀天
之神道而無聲無臭四時不忒天之觀也聖人神道
設教不大聲色而天下心服非聖人之觀乎可見中
正觀民尊嚴之中實德昭著而一出于自然天下之
化中者亦莫其所以然此所以為神所以為天下

之大觀也然則觀天與聖人之神道而神感神應可
默識矣故曰至誠如神

神道設教豈有他哉即係辭所謂戶之闔闢變通見
象形器制而用之謂之法利用出入民咸用之謂之
神聖人以此教民民日用之而不知耳虞書敦典庸
禮命德討罪皆謂之天知天則知神矣

初六童觀小人无咎君子吝 象曰初六童觀小人道
也

初六陰柔在下去九五火觀最遠如童子未有知識
雖觀不能遠見故為童觀之象此在凡民日用不知

故无咎若君子不著不察則可羞矣何也小人者觀人者也君子者為人所觀者也為人所觀而无得于中正之道則亦小人之无足觀也已象曰初六童觀小人之道甚言其觀之小非君子所宜有也初二皆陰初位陽故為童二位陰故為女

六二闕觀利女貞 象曰闕觀女貞亦可醜也

六二本與五應特以柔弱之質仰瞻中正之道且自內卦以闕外卦故有闕觀之象然處大觀之時乃自內闕外在女子柔順中正則然故云利女貞象曰闕觀女貞亦可醜也醜夫夫而為女子之觀也

六二居上下之間故有進退之象且居下之上惟反
觀乎德之自我生者果足以經濟天下否也量已以
為進退可仕則仕可止則止不取必于人而取必于
己乃能不汲汲於功名之會矣三近上卦巽艮離卦
傳曰巽為進退象曰觀我生進退未失道也進與退
在我皆有可觀何至于道之失乎是進退之在我者
莫非道也

六四觀國之光利用賓于王 象曰觀國之光尚賓也
六四柔順得正上巽九五之剛中固有以致其禮遇
而上觀乎國家之德輝矣是蓋以賓禮除之不以臣

禮待之者也。故為觀國之光。用賓於王之象。夫觀光者，賢人之素志。賓賢者，人君之盛節。如是而觀，以德不以職，所以為觀之善也。五居位有玉象，四近五有用賓之象，象曰尚賓也。尚賓則近陽而可親矣。况上有賓賢之禮，故得以觀國之光。四五相際，豈偶然哉。

九五觀我生，君子无咎。象曰：觀我生，觀民也。

九五陽剛中正，以觀天下者也。萬邦之作，準本于一人之中正。我中則天下為之化，我正則天下為之表正。而民實由我之和正以生之者也。故為觀我生。

之象夫不取于人而取必于己君子之道也五自自
任天下之重有如此蓋五本陽德之君子以身率民
故无咎否則以不善化民而欲民之莫予違也奚可
我象曰觀我生觀民也本諸身者微諸民未有影正
而表不正者此九五所以為大觀也

上九觀其生君子无咎 象曰觀其生志未平也

上九有陽剛之德而不在其位則不任天下大觀之
奇故為觀其生之象蓋一卦二陽大觀在五既已下
觀而化矣上觀其生者觀五也特上本陽体亦君子
人也與五合德無忿爭嫉妬之心故無咎象曰觀其

生志未平也均之為陽剛也吾身不足以係斯世斯
氏之大觀而至于現人之德化君子成已成物之心
豈如斯如已乎故曰志未平

三三
震下
離上

噬嗑亨利用獄 彖曰頤中有物曰噬嗑噬嗑而亨利
柔分動而明雷電合而章柔得中而上行雖不當位利
用獄也

震下離上噬嗑卦因畫取象且頤中有物必齧之而
後上下合故為噬嗑噬嗑而噬之故亨通震威而離明
則以之用獄明足以辨威足以斷而強杖之徒靡不
折服且柔中足以得情而布其矜恤之仁皆治獄者
所必資也故為利用獄之象可見柔刑獄之權者惟
其柔而得中所以明動相資剛柔不偏也 彖曰頤

中有物曰噬嗑以初上二爻皆陽為頤內三陰惟九
四為陽故為頤中有物此噬嗑之象也頤中有物則
為害噬而嗑之則害亡頤中不可使一物為之梗天
下可使有梗化之民此所以噬嗑之而亨也以卦
體言之則柔分者震則離柔分居內外即賁卦分別
天柔之美也以卦德言之動而明者震動于下離明
于上也以卦象言之震雷離電合而章威明其並行
也况六五柔中上行以柔居則雖不當位然以之用
獄則明不失之察威不失之酷刑之一成不易者自
不至于寬而柔中惟用獄之為利也然則觀之噬嗑

用可見用獄之道亦可見聖人不得已而用獄之心

初九屨校滅趾无咎 象曰屨校滅趾不行也

初九最下且過刑于初過尚淺小不懲則大矣不得
不用刑以誡之故為屨校滅趾之象皆取初下之義
也繫詞云小誡而大懲此小人之福也言懲之於初
故无咎况震為足震動于下不禁則行惟校其趾則
不得以行其惡矣是以象曰不行謂止惡于其初也

六二噬膚滅鼻无咎 象曰噬膚滅鼻柔剛也

六二陰柔而膚亦易噬且因初之剛以噬之亦易為
力故有噬膚滅鼻之象鼻乃中正之體也言噬之深

入至于滅矣不無傷于中正之道但始雖傷而終能
窒之故無咎象曰柔剛也柔初剛以噬柔救之庸故
不免于中正之傷耳

六三噬腊肉遇毒小吝無咎 象曰遇毒位不當也

六三柔位乎剛而腊肉亦堅韌難噬故為噬腊肉遇
毒之象然毒必傷乎頤矣雖有小吝而終必噬之故
无咎周禮腊人鄭註云小物全乾曰腊三近離亦有
日煨之義毒亦柔中有剛之象象曰遇毒位不當也
三本剛位而以柔居之如腊肉柔中有剛寧不過其
毒乎

九四噬乾肺得金矢利艱貞吉 象曰利艱貞吉未光也

九四順中之物也九本剛而乾肺近骨最難為噬故觀之于順既為噬乾肺之象初為金矢為剛直然以一卦觀九四之奇畫又為得金矢之象但以剛居柔利在克艱持危斯貞而吉也象曰利艱貞吉未光也吉而得之于艱貞由位不中正雖陽剛離休終非恬明有融之道

四金矢五黃金又因爻位異象

六五噬乾肉得黃金貞厲无咎 象曰貞厲无咎得當

也

六五以柔居剛且又在上卦之中觀之于順有噬乾
肉之象蓋乾肉比之乾肺則易噬矣然爻位得中又
為得黃金之象黃謂中金謂剛即六五也但才終是
柔必貞正危厲斯可无咎象曰貞厲无咎得當也言
六五之得當者由其守正慮危故無咎也可見彖言
不當而爻言當者在卦柔居五剛本不當在本爻能
厲貞故得當耳

噬嗑在一卦故利用獄六爻在初上亦取用獄之象
中四爻玩其辭俱以噬物象之金矢黃金亦其本爻

之象曰據周禮聽訟必先入鈞金未失以釋此兩爻似淡牽強莫若開說更善

上九何校滅耳凶 象曰何校滅耳聰不明也

上九陽剛大過且在一卦之上正繫解所謂惡積而不可捨罪大而不可解者也不得不罪之故有何校滅耳之象其凶為何如何校滅耳過剛故也象曰聰不明也蓋耳本聰聰且為離体而傷滅其耳正以罪其聰之不明也人烏可自塞其聰不思聞義即徒以自免于刑哉

三 離下
艮上

賁亨小利有攸往 彖曰賁亨柔來而文剛故亨分剛
上而文柔故小利有攸往天文也文明以止人文也觀
乎天文以察時變觀乎人文以化成天下

離下艮上賁卦取離艮本皆有光明之義且二卦剛
柔相文故為賁賁亨小利有攸往離明于內故亨通
而賁之本立艮止于外故小利有攸往而賁之用行
小謂陰也觀卦德明而止亦可見小利往之義 彖
曰賁亨柔來而文剛故亨分剛上而文柔故小利有
攸往蓋賁與噬嗑相反內卦六二之柔自噬嗑六五

而來文為離明諸內外卦上九之剛自噬嗑初九而
分上文柔為艮止于外剛柔錯綜惟柔來文剛則剛
為質故亨且內明也分剛文柔則柔為質故小利有
攸往以外正也以卦象言之陰中陽陽中有陰陰
陽剛柔交錯成文此天道自然之文也以卦德言之
離文明而艮止文理密察各止其所文質彬彬此人道
自然之文也觀乎天文三辰五行貢于天剛柔交錯
故可以察四時之變觀乎人文三剛五常貢于人文
明以斯止可以成天下之化矣是貢也貫天人之道
也在一卦故以下離上艮剛柔相文成貢在六爻又

以三陰三陽或成或乘相比相應成貴會而通之貴之義盡矣

初九責其趾舍車而徒 象曰舍車而徒義弗乘也初九以陽剛之德自責于下且在離明之初安處下位故有責趾之象雖與四正應而其行尚遠與之相比而亦無所乘正以初剛不受柔文故又有舍車而徒之象夫君子之所自責者以義為榮不以徒行為辱素貧賤行乎貧賤其舍車而徒一於義而已矣象曰義弗乘也初九於徒步蓋亦窮不失義矣

六二責其須 象曰責其須與上與也

六二離體柔順中正即取所謂柔來大剛者是也離
以二為主爻艮以上為主爻可見二之與上在一卦
之中實剛柔相須以成貴故有貴其須之象象曰與
上與何也文剛者二也柔來者上也六二上九相與
以興起乎文明之盛則二爻之貴其所須者不有在
乎可見與上與即須字之義何必以須作贖

九三貴如濡如永貞吉 象曰永貞之吉終莫之陵也
九三陽剛處文明之極然二四皆陰陽相錯自生光
潤故有貴如濡如之象使因其濡而陽溺于陰未免
以文滅質矣不知承乘雖陰三本剛正惟常永貞正

而不變為吉之道也象曰永貞之吉終莫之陵也今
雖比于二陰而常正則又為所溺故陽剛得居正位
終不可得而踰矣

三四剛柔相雜且離艮相連故皆曰賁如此又以兩
卦相賁取象

六四賁如皤如白馬翰如匪寇婚媾 象曰六四當位
疑也匪寇婚媾終无尤也

六四柔居柔位且在艮体之下其賁將止而文將反
乎質也故人馬皆白有賁如皤如白馬翰如之象夫
初九乃其正應而乘剛以求之有如翰飛之疾者豈

為寇哉乃求婚媾焉耳四之所乘者三之剛也故有
馬象乘剛則幾于逼矣故有寇象初剛四柔陰陽相
應故有婚媾之象象曰六四當位疑也匪寇婚媾終
无尤也四雖當陰柔之位而審比于三亦若有可疑
者然終與初九正應以成婚媾何尤之有

六五賁於丘園束帛莢莢吝終吉 象曰六五之吉有
喜也

六五陰柔得中且艮體安止不從外賁故有賁于丘
園之象所賁狹小故又為束帛莢莢之象陰性儉喜
居止于丘園物止于莢帛故吝吝但不求榮華不使

物來而敦本尚實之風有孚於儀文華飭之外禮奢
宰儉雖吝而終吉也艮象丘園方文明而即止象英
莢之束帛象曰六五之吉有喜也賁不以文而以實
則不待外飭而無入不自得其喜為何如喜故吉也

賁于丘園不于朝市以束帛不以華錦以寡不以多
雖吝而可喜所謂文明以止此文近之

九白賁无吝 象曰白賁无吝上得志也

上九賁之極所謂分剛上而大柔者此也以剛居上
其本質也陽剛在上素本無色故為白賁之象文極而

反質素賁于是乎止矣夫何咎象曰止得志也上居
賁之終而不以木采為事上之志也且賁之終為艮
比則止上之賁以白白受采賁極則返朴還淳此上
之所以得志而天下之繁華榮寵舉出其下矣安足
以動其志哉

四白馬五束帛上白賁即雜卦所謂黃無色也之意

山地剝

剝卦
坤下
艮上

剝不利有攸往 彖曰剝剝也柔變剛也不利有攸往
小人長也順而止之觀象也君子尚消息盈虛天行也
坤下艮上剝卦取五陰在下將剝落在上一陽而至
于盡故為剝當剝之時小人盛而君子孤若往則并
其一陽盡消之矣順時而止不利有攸往君子處剝
之道也 彖曰剝剝也柔變剛也柔變剛將盡為柔
剝之義也君子不利攸往者小人長也陰乃小人之
道方長盛以剝消乎陽故君子不利于往也然坤順
艮止為剝于此順而止之不使一陽受剝于陰乃云

觀象者何 柔之變剛在觀卦已見二陽在上之象
矣故剝之順止其象得之于觀也消息盈虛天行則
然君子數尚乎消息盈虛而順止不往正以體天之
行耳豈畏禍全身乎哉夫五爻變而為剝固天行之
必然者四爻變而為觀天行之消息盈虛已有其漸
况剝則必復故復亦曰天行

初六剝床以足蔑貞凶 象曰剝床以足以滅下也

初六一陰在下首剝乎陽故為剝床以足之象夫剝
床止于足若猶未至于凶也但陽正陰邪剝陽則滅
貞而其凶也必矣古人座用床卦象床初在下象

足象曰以滅下也陰之滅陽必先乎下觀自古亂亡
之世群小用事未有不刻削其民以自填其溪壑之
欲者及至民不堪命起為盜賊則國隨以亡矣嘗有
剝下而不凶者乎

六二剝床以辨茂貞凶 象曰剝床以辨未有與也

六二陰漸進而上矣剝床以辨則上于足也二雖與
下坤同體與五同柔其實于初三四五秩然有辨陰
剝至二故為剝床以辨之象茂貞凶與初同見君子
當謹之于始也夫六二陰居正位亦謂之茂貞何也
陰以順承陽剛為貞而剝陽則茂貞矣可見貞之不

可執也象曰未有與也雖陰之剝陽至五而止而二
五皆陰不應實未有與焉凶各指本爻陰柔言所係
在君子不必更言凶也

六三剝之无咎 象曰剝之无咎失上下也

六三當衆陰剝陽之時獨與上九一陽相應而自剝
其邪黨故剝之無咎之字指初二四五而言夫以陰
助陽宜乎其獲吉矣而止于无咎何也象曰失上下
也三居五陰之中而剝去陰黨獨應乎上則失乎上
下四陰矣勢亦孤弱不能存陽而其一念為善之誠
良有足嘉者故得免咎而已矣

六四剥床以膚凶 象曰剥床以膚切近災也

六四在下卦之上陰愈上進與上九同體則切近于身矣故為剥床以膚之象四于上最切近故象曰切近災也剥床以足以辨既茂正而凶矣災及其身其凶為何如

六五貫魚以宮人寵无不利 象曰以宮人寵終无尤也

六五陰柔居中雖足以統率群陰而實居一陽之下使群陰若魚之相貫順序而進以順承乎陽故為貫魚以宮人寵之象魚陰物宮人陰類貫指初三三四

以之者五也五陰密比上爻之陽故有寵夫陰至五
已極矣一陽在上而五能以陰承陽故無所不利象
曰以宮人寵終無尤也率群陰以受寵于陽則陰受
制于陽矣何遇尤哉觀六五爻辭全非剝意正以剝
至四亦已凶矣于此不言剝而深有取于五者初二
四無比應于陽故凶三應陽五承陽故无咎无不利
亦實象也

上九碩果不食君子得與小人剝虛 象曰君子得與
民所載也小人剝虛終不可用也

上九五陽消剝殆盡止有一陽在上猶歲寒百果索

落止有一大果不食者存焉剝極必復碩果有復生之理也碩果不食之象其機危其寓意深矣艮為果茲一陽在上故象大果然自上九言之艮為與體雖一君子在上而以衆陰載一陽在君子有得與之象以一卦言之終為剝義小人賴君子以庇覆其身而以一陽覆五陰則為虛也衆陰剝上一陽在小人則有剝虛之象不知斯民不可一日無君子也若小人剝盡君子不過自傷其身耳何可用哉象曰君子得與民所載也小人剝虛終不可用也可見君子為民所載固不可去而小人何為自剝其虛也耶終不可

用乃所以深傲之也

地雷復

☱震下
☷坤上

復亨出入無疾朋來無咎反復其道七日来復利有攸
往 象曰復亨剛反動而以順行是以出入無疾朋來
无咎反復其道七日来復天行也利有攸往剛長也復
其見天地之心乎

震下坤上復卦取一陽震動復生于五陰之下故為
復一陽復于下則生生不已故亨通出入无疾一陽
順以動也朋來無咎衆陽將類 進也反復其道乃
自然之理七日来復亦一定之數利有攸往而為臨
為泰以至於乾揔言復之善也 彖曰復亨剛反也

震之陽剛動反而於坤順之下故亨也在剝曰柔變
剛故在復曰剛反然陽剛一動于下者必有順行于
上之勢自其復于下是陽之入也自其進于上是陽
又將出爲震動坤順一入一出動而順行順則何有
于疾乎况一陽既復斯群陽朋來陽德復亨何咎之
有然所謂剛之反者復其道也一陽在剝已將盡矣
其復來之數則不過乎七何也如時自午至亥止于
六月至子則復矣易卦自初至上止於六爻至初則
復矣况七乃少陽之數七日者數之所必不能越乃
天行一定之運也如是可利有攸往以陽剛一復則

其漸長也必矣而不至於純乾不已也是復也其見
天地之心乎蓋生物者天地之心也剝則一陽生生
之機幾乎息矣但七日則必復來而陽剛震動于下
則乾元資萬物之始者已於此乎萌焉是復非天地
之心而復不可以見天地之心乎天地之心見於一
陽初動而非見于靜伊川先生發之已詳堯夫先生
冬至詩所以指點天地之心者更為親切雖然人皆
得天地生物之心以為心也人心獨不可見乎聖人
喫緊提揭人心斯其至矣

初九不遠復無祗悔元吉 象曰不遠之復以修身也

初九一陽來復于初為五陰之主是震動于五陰之
下而復之最先最微者也真陽本天地生物之心陽
本剝于上即復于下天地之心復之不遠也人心本
善或有不善之念而一覺即反于善是人亦不遠之
復也人心復之不遠則不至于悔矣謂非大善而吉
之道乎繫辭謂顏子有不善未嘗不知知之未嘗復
行論語謂克己復禮是也可見復即真心發見之端
雖人人同有然陽剛初動得正震懼戒慎不忘非真
能克己而剝盡陰邪者不能也若悔亦真機所發而
復不遠者不至於悔若遠則不可語復之初矣 象

曰不遠之復以修也。身形色天性人身本至善也。身之不修由自遠其善。所以常至於悔。早果時時密自修之功。則能默識此心之體。一有不善。即覺而復之。則一陽為主於內。而吾心之復。即復乎天地之心也。修身之道。何其切乎。觀顏子非禮勿視聽言動。可以証修身矣。

六二休復吉 象曰休復之吉以下仁也

六二陰柔。雖不如初剛。但陽剛初復于下。則在二有必復之機。故為休復之象。休即心逸日休之意。吉之道也。復本于初之陽剛。休由于二之柔順。居中得正。

密比于初故休復吉象曰以下仁也蓋九初仁人密比于下在二則有不容不復者何也與善人居息不自知其入于善也况一陽復之於下陽氣必為之上進而仁者以萬物為一體則輔仁之友寧有不休復者乎若謂二能下乎仁則于爻象未穩合

彖辭復其見天地之心二爻象辭以下仁也合而觀之可見仁即天地之心也復也者復此也修身也者修此也且六二之吉得之于下仁則欲為仁者其可以不親也哉合四爻觀之又曰從道可見修身以道修道以仁揔名為復

六三頰復屬无咎 象曰頰復之屬義無咎也

六三以陰處陽震極躁動且三視初復二復蓋亦屢失屢復者矣故為頰復之象但頰則危屬而頰復尚能補過故無咎可見處震動之極而後善端發萌蓋亦微色發聲而後喻改者故曰震無咎象曰頰復之屬義無咎也復而頰焉若不免于咎矣然自知頰復之非而能自惕惧是于義則無咎也知善之當為則知惡之當去也

六四中行獨復 象曰中行獨復以從道也

六四雖處四陰之中然能從中而行獨與初應以復

之于善故為中行獨復之象所以上承六五虛中之
美下闢群陽來復之機者胥此也象曰以從道也夫
初復不遠道也四獨違群陰以應初陽非從道而何
此爻居五陰之中故謂之中行五陰惟四與初應故
謂之獨復

六五敦復无悔 象曰敦復无悔中以自考也

六五柔順居中本有體厚之卦當陽長之時敦厚以
自復于善故无悔且中固所以厚其復也惟中虛全
無係應之私其敦厚為何如象曰中以自考也五本
中位而悔由中出以此自考其亦內省不疚者乎

上六迷復凶有災眚用行師終有大敗以其國君凶至
于十年不克征 象曰迷復之凶反君道也

上六終陰故象迷復復而迷焉故有天災人眚師敗
君^亡十年不克征蓋復以自知與迷復正相反也孟
子曰行之而不著焉習矣而不察焉終身由之而不
知其道者衆也即迷復之謂也何也終身由道非復
而何終身由道而不知非迷復而何故以之治衆而
終至于火敗以之自治而措亡其天君所以十年不
克征終身不自知其復極言無復亨之時也坤先迷
師謂坤國君謂初陽十為坤之終數若云迷而不復

則無此例象曰迷復之凶反君道也夫君道者何陽
剛是也上六以終陰處復之終與君道相反故以其
困君凶矣惟極陰則迷惟極陰與陽剛相反則凶知
陽剛即君道可見君道乃人人所同有者迷于所復
則人人失君道矣卦辭七曰來復天行也爻辭上六
十年不克征反君道也蓋不遠復於初者陽來于七
也迷復于上者陰終于十也在天為天行在人為君
道其實一也

天雷
無妄

震下
乾上

無妄元亨利貞其匪正有眚不利有攸往 彖曰無妄剛自外來而為主於內動而健剛中而應大身以正天之命也其匪正有眚不利有攸往無妄之往何之矣天命不祐行矣哉

震下乾上無妄卦取動以天故無妄夫人心惟動以天則無一毫之妄矣无妄之卦一陽動于下而純乾陽剛在上本自大通不滯本自利貞不偏而四德全備乃無妄之德若有一毫匪正則有眚而不利有攸往矣其可以不正哉 彖曰無妄剛自來外而為主

于內此以震之初陽為主以下卦為內即反對卦體
觀之外卦本艮而震之一陽自外居內則不二以二
所以為無妄也以卦德言之震動而乾健以二五言
之剛中而柔應如此則一于貞正無偽妄偏倚雜于
其間而其大亨者以正而已然大亨以正豈人為者
哉乃天之命也其匪正有吝不利有攸往何哉自初
九一爻言之階本在上既有外來為主之嫌而震動
于下又有恃剛欲往之意稍有二毫匪正即匪天之
命也匪天命即不可往而行之也無妄之往何之矣
天命不祐行行矣哉數句正解不利攸往况一卦六

爻皆無妄全重正與不正或謂无妄未有不正者彼
雷或動于十月謂之正也可乎言必信行必果亦匪
正之一端觀象玩辭可以意會

初九無妄往吉 象曰無妄之往得志也

初九即剛自外來為無妄之主者也震乾本同一體
乾剛在上震動得正由內達外何往不吉象曰得志
也二陰在前既無所阻三陽在外又皆正類隨其所
往莫不得其志也可見正則往吉不正則不利攸往
象自一卦言一爻此自本爻言也

六二不耕穫不菑畲則利有攸往 象曰不耕穫未嘗

七

六二陰柔中正一無所作為于其間故有不耕獲不
菑畲之象夫為而必獲惟農則然不耕獲不計始終
不菑畲不計難易立心如此正誼不謀利明道不計
功矣如是而往則一無計慮又為往而不可哉况六
二爻位俱陰處雖初陽之上而得中得正以此而往
何所不利惟其中心無為以守至正即孟子人有不
為而後可以有為之意則字宜重看象曰未富未嘗
有欲富之心也以未富而往以柔中往應剛中何不
可者况純陰虛中即未富之象也或云此爻為無妄

之福

夫耕獲菑會而收成富庶皆分內事也充義至義之
盡亦妄心也并耕獲菑會而不為夫何妄哉無非極
言以形容其无妄之意

六三無妄之災或繫之牛行人之得邑人之災 象曰
行人得牛邑人災也

六三陰居陽位既不中正震体動極不免有災如或
繫之牛而偶脫所係已為行人之得矣而邑人久遠
詰捕之災是三之災莫之致而至者也無妄之災也
何也六無定在行人也三不可移邑人也以六居三

其不正者六也三因六以取災非無妄之災而何象
曰行人得牛邑人災也行人與牛皆屬陰行人之得
震有動義

九四可貞无咎 象曰可貞無咎固有之也

九四雖陽剛健體處亦不正然于初震之動無所係
累則乾剛同体居上夫固有之也正則無咎而可
之云者因其以剛居柔也與坤六三可貞之義同象
曰固有之也豈不可正而強以正之哉九四本乾体
也六位時乘六龍四亦乾之本位非固有而何此所
以為可正也

九五無咎之疾勿藥有喜 象曰無妄之藥不可試也
九五即剛中而應无妄之至也夫何疾哉然乾剛中
正本無疾也而震動于下且陰柔相應亦足為中心
之疾但非我所自致惟久則自定勿以藥治之斯有
喜矣有喜謂不必藥之而疾自亡也象曰無妄之藥
不可試也夫以无妄而疾又以無妄而藥恐不免因
藥起疾矣九五中正必不為下震動為陰柔係累藥
何試哉

上九無妄行有青无攸利 象曰無妄之行窮之災也
上九乾体亦無妄也剛不中正且處卦終有徒徙于

行之象故有貴无攸利盖無妄而所遭不常又欲別
行則異自己生夫何利哉與乾上九亢龍有悔同象
曰无妄之行窮之災也此爻卦至上則窮窮則行行
則有災以位而取災者也內卦震体在下三爻俱許
其常動外卦乾体曰可貞曰勿藥曰無攸利俱不許
其動也

大畜



乾下
艮上

大畜利貞不家食吉利涉大川 彖曰大畜剛健萬實
輝光日新其德剛上而尚賢能止徙大正也不家食言
養賢也利涉大川應乎天也

乾下艮上大畜卦取乾艮皆陽以陽畜陽斯所畜者
大故為大畜且天在山中有畜聚之義艮能正乾有
止畜之義大畜利貞言所畜者大而利于正也惟所
畜者大故不家食言可以亨天下之大畜利涉大川
可以濟天下之大險也 彖曰大畜剛健萬實輝光
日新其德蓋以卦德言之乾剛健艮萬實輝光畜之

不已故曰新其德所畜何其大也此大畜之義也艮
體陽剛在上而六五尊尚其賢為能止乎乾體之健
是以剛畜剛大而得正所以利於貞也如此則不家
食吉利涉大川矣何也剛上而尚賢則能養賢以及
萬民而六五為能虛中以大養矣一卦四陽獨上九
一陽在上有不家食之象六五能尚之以止乾陽亦
有尚賢養賢之象養即畜義乾本天道也艮應乾所
以應乎天也觀上九陽爻獨出二陰之外亦有涉大
川之象且應天以濟險則險難安足以既之哉觀象
傳文法獨與他卦異不云健止而云能止健可見大

畜一卦當以上九為主不曰應剛而曰應天總以上卦應下卦故不取五二剛柔之應知此知則大畜之貞矣

初九有厲利已 象曰有厲利已不犯災也

初九陽剛在下必上進者其勢也然四六陰柔若必欲進則大畜之初反為四陰所害而不免危厲莫若已而不進之為利也故為有厲利已之象子夏傳曰居而俟命則利往而違上則厲當已則已有畜之義象曰不犯災也知其危而已之則雖有災危莫之犯矣

九二與說輶 象曰與說輶中無尤也

九二剛健與初三同為乾體故有與象二在下卦之中有輶象然以剛居柔又為六五正應若與之說其下縛而不能進銳故有與說輶之象當大畜之時不免為陰所畜矣以二之體本柔而六五亦陰柔故也象曰中无尤也與而說輶特說其車下之縛而其中如故尚不失為與也二本中位中故無尤與小畜九三與說輶不同蓋輶者車下縛也輻者車輪也輶與輻本異而所說又各有其義玩易者皆混然無別何哉

初二皆乾體剛健而四五陰柔亦皆正應然初利已
二說獲何也初二上進則四五之陰得以畜之是小
畜矣何以名大畜哉

九三良馬逐利艱貞曰閑與衛利有攸往 象曰利有
攸往上合志也

九三剛健居下卦之極四五俱陰柔又不足以禦之
故馬雖良而有馳逐之象然所居正矣使遇剛銳進
不可也故必利于艱難貞正使曰閑其車與防衛斯
利有攸往而大畜成焉乾體故曰良馬逐下健上止
故象曰閑與衛上九同德故象利往象曰利有攸往

上合志也剛健上進陽之志也三與上合其進不可
止故利艱貞

六四童牛之牯元吉 象曰六四元吉有喜也

六四陰柔得正為艮之初有童牛之象艮本止也與
上爻同體而受其畜止焉有童牛牯之象蓋童牛未
角之時而先事以防閑之則為力甚易牛習于牯而
忘其觸焉所以消散其血氣而畜之易易也惟四有
順正之德故大善而吉象曰六四元吉有喜也喜其
當大畜之時即能畜止其陰不為陽剛之害是禁於
未發功不勞而性無傷也

六五續豕之牙吉 象曰六五之吉有慶也

六五柔中其位則剛不畜則陰躁亦足為害居大畜之五位而上久畜之得其要故有續豕之牙之象爾雅訓續豕埤雅云以棧繫豕謂之牙惟牙設而剛躁自止所以為吉也續善奔騰畜之方純即于上久象見之象曰六五之吉有慶也時當大畜而陰躁不止未免有害於陽剛惟制之得其要則天下受其福而其慶無窮矣

牛與豕皆陰物牛為純陰故六四象之豕陰而躁故六五象之牯牙皆本于久艮止取義何必謂四畜初

五畜二豕若以四五畜初二是小畜大矣初二亦無
牛豕之象但畜必躋必以牙者雖得其要不如牯牛
防其角者其機為尤易故五吉四元吉此又可知大
畜之當豫

太畜一卦以上卦為主自上九視四為牯童牛自上
九視五為躋豕牙以艮止本在上也

上九何天之僭亨 象曰何天之僭道大行也

上九畜之極卦之主也陽剛畜極何所不通故以何
天衡象之夫艮一陽在上而乾三之陽乃天道也畜
而至此則天道之大我其以一人負荷之而亨通無

滯矣象曰道大行也道即天亨大行則亨矣畜之大
故行之大畜道大行也艮為徑路在上則為天衢之
象行字正與衢字相應何與商訟何天之休何天之
寵同惟信得道即天衢則謂之荷天之道亦可也何
字不必衍總是畜極大通之意

震下
艮上

頤貞吉觀頤自求口實 彖曰頤貞吉養正則吉也觀
頤觀其所養也自求口實觀其自養也天地養萬物聖
人養賢以及萬民頤之時大矣哉

震下艮上頤卦取震艮上下二陽內含四陰若衆齒
森然下動上止故為頤然養則頤之義也但飲食之
養易于失正頤養惟正則吉而正不正其何以觀之
哉頤中虛有口象觀頤卦之象惟自求口實以自養
為斯得正而吉 彖曰頤貞吉養正則吉也養不正
則不吉可知矣故頤之吉本乎貞也觀頤觀其所養

也自求口實觀其自養也四句當一氣直下謂觀象于其觀其所養何如耳惟自求口實觀其自養為能得乎正也豈徒自養已哉天地養萬物聖人養賢以及萬民皆此養正之道也正無定在以時為大頤之時不其大矣哉細觀六爻內三爻動皆出外三爻正皆吉且口容止故知止則不妄動六爻揔以由頤歸之于上此卦當以上九為主

初九舍爾靈龜觀我朵頤
象曰觀我朵頤亦不足貴也

初九陽剛亦足以正自養而無求于外者但震體本

動又與四相應未免動于欲去之道也故為含爾靈
龜觀我朵頤之象夫龜能咽息不食以氣自養所以
龜為甚靈初能剛明以自養即此靈龜也乃舍爾之
靈龜觀我之朵頤則失其自養之正矣豈不凶哉爾
我者設為上下而卦相謂之詞在下而動有朵頤之
象象曰亦不足貴也陽貴陰賤初九本陽久也舍自
己之至貴至靈者反朵頤乎我則惟情欲是徇亦不
足貴矣夫段頤養之道宜乎陰來應陽而以陽應陰
所以自失其貴也離為龜頤卦內陰外陽似離故初
有龜象况初九一陽處四陰之下有靈龜伏于山下

自養之象

頤之為義本上養下者也下卦震體初爻雖陽而震動于下何足貴哉陽本足貴而云亦不足貴即亦字可見上下兩卦相爾我之意

六二頤頤拂經于丘頤征凶 象曰六二征凶行失類也

六二陰柔不能自養未免資養於陽以二而反求於初既象頤頤而違五之常應又拂乎經常之理若又求養于上而于丘頤是往則征凶盖二亦動体所以上下皆頤拂也丘指上九艮為山也象曰六二征凶

行失類也初上皆陽豈六二之陰類哉故進退皆不可據况兩用其心如之何其可也大抵養道不取其動故下文皆凶

六三拂頤貞凶十年勿用无攸利 象曰十年勿用道大悖也

六三陰不中正處動之極既不能自養宜與上正應以陰從陽斯不拂也三乃不應乎上而反隨下體震動已拂乎頤矣拂則雖正亦凶所以十年勿用无攸利則終于不利也象曰十年勿用道大悖也一卦之頤由乎上而三拂之大悖頤養之正道故終不可用

停即拂也

六四顛頤吉虎視眈眈其欲逐逐无咎 象曰顛頤之吉上施光也

六四柔順位正而應亦正故居上而下求初九之陽剛以資其養雖若顛倒其義則吉也但求下之心不可以上九同休之陽剛而或問焉必知虎之食物眈眈而无虞逐逐以求繼可也夫虎視常下四之求初果如此眈眈逐逐則其下賢求益之心專一不二所以求養養人者斯無咎矣艮取虎象虎在山下亦取養義象曰上施光也以上之六四下應初九蓋其所

以施諸下者何如其輝光也是以雖顛而吉夫以下
求上則不足貴以上求下則上施光養正之道可識
矣

四之顛與二同而四吉者初四本正應而二與初非
應也

六五拂經居貞吉不可涉大川 象曰居貞之吉順以
從上也

六五柔居尊位不能應二以敷養道於天下而反求
養於上已拂乎經常矣然由順在上二六五以柔承
剛果能所居一于正道則吉特不可涉大川濟險難

也大意謂以一人治天下以天下養一人道之常也
以五位待養于上既拂經矣然亦為可以居常不可
以處變蓋守經在柔中者可能濟變非剛中不可也
艮止有居之象象曰順以從上也柔順以從乎上九
之由順斯居得其正而吉

二五相應經也二拂五而求養于初五拂二而求養
于上其拂經同而二征凶居五貞吉者下卦動艱上
卦止艱故也

上九由順屬吉利涉大川 象曰由順屬吉大有慶也
上九以陽剛居上而下群陰皆賴以養是順養之道

由之以出也故為由頤之象但位居乎上必惕厲則
吉雖以此陽剛之才用之涉大川濟艱險亦无不利
何也治養天下之道由剛正之賢而出也况養天下
必備于賢猶涉大川必由舟師舟楫不與衆工共事故
衆上皆由之以役使而成涉險之功賢者不與衆職
共事故衆職皆由之以效用而成養民之道惟其陽
剛且止于上故也然上利涉而五不可涉者何也均
為止體而六五才柔上則陽剛且止極可動也象曰
大有慶也陽本大而養道乃天下之大慶也頤養悉
由乎上且能危懼匪懈其吉慶孰有大于此乎

人之頤上止下動一卦二陽而下由乎上故曰由頤
一卦二陽以上為主故上白由頤初曰觀我朵頤亦
不足貴一字一義皆實象也二三四五之顛拂俱指
二陽言之

大過棟橈利有攸往亨 彖曰大過大者過也棟橈本末弱也剛過而中巽而說行利有攸往乃亨大過之時大矣哉

巽下兌上大過卦取四陽二陰陽大陰小故為大過卦象四陽橫于中故有棟之象上下二陰柔弱無力故有棟橈之象但天下无不可為之事惟剛中巽說雖棟已橈矣而往修治之則廢者可興故利往亨 彖曰大過大者過也指四陽也棟橈本末弱也指初上二陰也此大過之義也以卦才言之剛過而中謂

四陽之剛大過而在二陰之中也巽而說行謂下巽
順而上兌說也時雖大過惟本吾剛中之道而巽說
以行之事能巽入人心而人莫不說故利有攸往乃
能亨也可見揀撓則當休必攸往乃亨乃字宜玩味
苟不往則不亨可知矣大過之時大矣哉斯時也雖
大厦將顛之時也必有大過人之才德斯足以濟之
否則干無事安常之時必欲違乎大過之才智則反
害矣故又嘆其時之大以示戒也

上棟下宇取諸大壯然大壯四陽在二陰之下其本
壯也茲二陰在四陽之上下本末弱矣故揀撓

初六藉用白茅無咎 象曰藉用白茅柔在下也

初六陰柔在下以承上之陽剛亦敬慎畏懼之過也
故有藉用白茅之象但處大過之初雖過于柔順亦
無咎夫大過之初其過未甚藉之厚指初茅甚潔指
六巽為白故云白茅象曰柔在下也以柔順而處卑
也敬慎之道也繫辭發之盡矣

九二枯楊生梯老夫得其女妻無不利 象曰老夫女
妻過以相與也

九二剛居柔位得中與初陰竅比陽雖大過得陰則
生况初二同為巽體而生意在下猶未發淺遠取諸

物為枯槁生梯之象梯雖枯而梯生于下根榮則枯
可回也近取諸人為老夫得其女妻之象天雖老矣
得女妻則可生育也剛得柔以濟之而變通不窮故
無不利木生近水者楊也梯與女妻俱初六之象象
曰老夫女妻過與相與也九二初六陰陽之老少雖
已過矣而相與則和也

九三棟橈凶 象曰棟橈之凶不可以有輔也

九三以剛居剛過于剛也三四二爻在一卦之中故
皆取棟象棟而過重勢必難勝且居下卦之上過剛
易折有棟橈之象夫陽剛大過至于橈敗故凶 象

曰不可以有新也。新三者上也。上柔不能新而三剛大過不能輔寧免。梳折哉。故象曰棟梳本末弱也可。見三應上救其末四應初救其本。所以有棟梳棟隆之異。

九四棟隆吉有他吝。象曰棟隆之吉不梳乎下也。

九四陽居陰位剛柔得宜說以行之人心莫不愛戴。猶之屋棟隆然而起吉之道也。且下應初六故下不梳而上隆矣。若又有它志不免為剛德之累。故有它則吝。它謂卦有二陰不可以同體相說也。象曰不梳乎下也。四居上卦之下其下本實而下應乎初所以

不撓可見處大過之時雖不厭其過而二與四以剛居柔為得宜

初六柔居剛位故二比之如梯之復生于下四應之如棟之不撓乎下也上六陰柔之極故五比之如革之復生于上三應之如棟之不可以有輔也

九五楊枯生華老婦得其士夫无咎無譽 象曰枯楊生華何可久也老婦士夫亦可配也

九五陽剛大過徒上比過極之陰以相濟在物則為枯楊生華之象在人則為老婦得其士夫之象陰陽俱為大過止于無咎无譽而已老婦指上六居五之

上故云老士夫指九五居上之下尚為士夫然五無
應與徒為上六所親說故稱老婦得其士夫五處四
陽之上其勢反弱不能為主而上六反得乘而主之
矣陽在陰中以比昵相匹故其象如此象曰枯槁生
華何可久也物枯而華適以速其枯而已其能久乎
老婦士夫亦可醜也老婦無復生道以未娶之士夫
得再嫁之老婦失節相配辜昵私情不亦醜乎
初六柔居剛位女妻也本在九二之下故象老夫得
其女妻上六以柔居柔老婦也且在九五之上故反
稱老婦得其士夫

上六過涉滅頂凶无咎 象曰過涉之凶不可咎也

上六陰居處四陽之上不能量力而行欲以一陰涉而濟險故有過涉滅頂之象凶則凶矣時亦有所當濟事亦其所當為時柔弱不能大有所為也才不足而節有無故無咎允為澤有涉之象頂即在上之象象曰過涉之凶不可咎也因其有過涉滅頂之凶而咎之不可也蓋論是非不論利害雖才柔不足以行權而殺身亦足以明義是以雖凶無咎也

總玩六爻陰宜慎不宜過故在下藉茅則吉在上滅頂則凶陽宜濟不宜過故二四陽居陰則利三五陽

居陽則不利所謂大過者其無過歟

☵ 坎上
☵ 坎下

習坎有孚維心亨行有尚 彖曰習坎重也險水流而不盈行險而不失其信維心亨乃以剛中也行有尚往有功也天險不可升也地險山川丘陵也王公設險以守其國險之時用大矣哉

坎上坎下習坎卦取一陽陷于二陰之中故為坎內外二卦俱陷故為習坎是坎也惟陽實故為有孚之象陽明在中故為心之象處坎之道維心則亨不為其所陷也誠心以行乎險而其行有功可嘉尚也不行則終于坎而莫之出矣一言以蔽之只是誠心可

以行險大五六十四卦獨于坎卦指出心象以示赴
可見心在身中真如一陽陷于二陰之內果能全此
一陽為主于內則道心維微者此也若一陽為形氣
所牾則人心維危矣况處重險為心則亨道人其可
以自陷于險而不存其心乎 彖曰習坎重險也重
即習也此坎之名義也水以流行為主流而不盈者
未能出乎險中也雖在險中而行險不失其信必盈
而後行必行此而後及彼此所以為有孚也有孚非
心而何維心亨通剛而中也指二五也以剛中而行
則隨行有功動則可以出險如水之盈科而行不為

險所難矣是險也天地人之所必有者天險無形不可升也地險有形山川丘陵是也王公因坎險之象設險以守其國用險之道也險之因時而用也大矣哉要之陰為險而用之者維人心之剛中為能得時措之宜然則无形之險天險也其即心之謂乎

初六習坎入于坎窞凶 象曰習坎入坎失道凶也

初六以陰柔居重險之下非維不能出險而其陷方深故為習坎入于坎窞之象窞本凶也入于窞而不自知其凶為何如即入窞之象象曰習坎入坎失道凶也初為最下人所易見從而入之柔暗甚矣自處

失道即中庸人皆曰予知誕而納諸罟獲陷弇之中而莫之知避也

九二坎有隘求小得 象曰求小得未出中也

九二陽剛雖出于初陰而猶在三陰之下故為有險之象雖剛而得中而質本陰柔正可求小得也終不能超然險阻之外而大有得可知矣陽本大而云小得以九二所求在出陰險是以象曰未出中也二雖中而位則陰特小得濟耳何能出于陰之中乎可見中無方所人志局于形骸之中者猶未出乎險也觀九二之象玩九二之辭可以識心矣

六三來之坎坎險且枕入于坎窞勿用 象曰來之坎
坎終无功也

六三陰不中正當重卦之交雖在下卦之上若已出
險然上卦之險則方來也是以來之坎而又坎也夫
下之坎已險矣上之險又枕而壓之如此則祇入于
坎窞矣入坎益深何可用也初與三皆入于坎窞初
出三但勿用初在下三在下坎之上也人心維危其
危不窮一有不慎其坎窞若此上卦亦坎故有來之
坎坎之象象曰終无功也不能成濟險之功尚安可
用哉

六四樽酒簋菜用缶納約自牖終無咎 象曰樽酒簋
載剛柔際也

六四陰柔欲求出險非九五陽剛不能濟也况在險
難之時方自修省不敢以多儀為亨樽酒簋菜用缶
可謂薄而簡矣以此納約信于五乃因明通蔽自牖
而入焉既非正應未免因密比以相通蓋亦處坎之
時委曲將順不得不然所以始雖險而終無咎也坎
有樽酒象一一有簋載并自牖之象柔位柔位有質實
用缶之象象曰樽酒簋載剛柔際也不以禮薄為嫌
者四五以剛柔相交際其道則然當險難之時在誠

不在物豈後世計術廷就避禍之謂哉

九二坎不盈祇既平无咎 象曰坎不盈中未大也九

九五陽剛中正然有一陰在上故為坎不盈之象盈則注洋溢溢何坎之有所以五雖未能盈乎坎外然盈科後進祇既平為平則可以出險故無咎蓋雖有剛中之德與二既不相應不能合衆流以成大平之功故也象曰中未大也水必盈坎而不見其坎臨之迹然後為水之大中必用天下之中而使天下成化中之治斯為中之大也五之剛中尚未能天平下之險難雖有中德而未大矣可見不盈則未平未平故

未大皆實象實義

習坎維心亨不為坎所陷也此文尚在坎中在人雖
不狃于形氣亦未能超形氣也所以君子貴大學之
道

上六係用徽纆寘于叢棘三歲不得出 象曰上六失
道凶三歲也

上六柔居險極既無出險之才而乘剛入有係寘之
患故為係用徽纆寘于叢棘三歲不得之象叢棘獄
也徽纆獄中羈係之刑也用官司褫收教罷民能改
者上罪三年而舍其不能改而出圜土者赦意蓋如

此坎本險密微纏叢棘皆坎險之象上坎第三爻故
為三歲之象上其密之極乎人心終于陷溺而自加
桎梏者可以省矣象曰上六失道凶三歲矣上以險
極失道所以終凶至三歲之久也初柔為坎陷之始
上柔為坎富之終是以皆為失道可見天下寧有失
濟險之道而不凶者乎

三
離上
離下

離利貞亨畜牝牛吉 象曰離麗也日月麗乎天百穀
草木麗乎土重明以麗乎正乃化成天下柔麗乎中正
故亨是以畜牝牛吉也

離上離下離卦取陰麗乎陽虛中則明故為離然則
麗者淡于不正離必麗于正則亨離以麗陽為正故
能虛明无所不照何如其亨通也畜牝牛吉牛固柔
畜牝牛則柔之柔者柔順得所養則中有所受而生
息之相繼矣所以畜牝牛吉也陰在陽中有畜義牛
而牝皆屬坤離中陰爻即坤也故象牝牛即坤象牝

焉取其配乾受陽之義。彖曰離麗也二五皆陰麗
陽中故虛而明此離之義也。日月麗天附陽氣以流
行則照臨之功成。即五為天位麗天之象也。百穀單
木麗附陽氣以發生則阜利之功成。即二為地位麗
土之象也。此天地自然之附麗也。重明以麗乎正乃
化成天下。上卦下卦即為重明人道效法天地自然
之麗而日新又新。明照不息則麗乎陽剛者重明之
正也。斯可以成天下文明之化矣。三句總以天地人
極言離道之大。可見重明麗正故利貞矣。然謂之亨
者何哉。惟柔麗乎中正故亨。指六二六五本以陰柔

附麗陽剛之中正以其中虛能順受故也是以畜牝
牛吉總承上大惟牝物之虛受為能生生不息其所
麗非陽而何此又以畜牝牛為柔麗中正之實象也
信乎柔麗中正則吉而柔不中正則不言入可意會
矣然則觀離之象玩離卦之辭惟中虛故受惟順麗
陽剛故正人之心体本如斯也果能不以見聞知識
一切私意括其虛明之体則吾心無不順受而緝熙
光明繼照不息斯心体大中至正百体從令萬牝順
成何往不亨通哉

初九履錯然敬之無咎 象曰履錯之敬以辟咎也

初九離明之初而明尚未盛况以陽居陽恐不免躁
動之咎而初之前即二陰也故有履錯之象履屨于
足艸足之初一有急迫之心必至于錯敬則心有所
主而明生焉所履垂錯之咎庶乎可免而不至日昃
之凶矣此君子謹始之心明善之道也象曰履錯之
敬以辟咎也錯即咎也當方履之初恐其履錯而持
之以敬心所以避咎者有道矣若云交錯成文恐與
履錯之敬相背此

六二黃離元吉 象曰黃離元吉得中道也

六二陰柔處于上下二陽處乎中正者也然黃園地

之中色也德純乎中猶色尚乎黃无以加矣六二本
柔中離体且火之有光者外赤内黃地二生火故為
黃離之象以此當文明之盛所以大善而吉象曰得
中道也惟中故虛受惟中故明通惟中故元吉且柔
順中正而麗乎陽剛柔之貴中也如是哉

坤六五在上象黃裳以中德而居乎陽也離六二在
下象黃離以中德而麗乎陽也故皆云元吉

九三日黃之離不鼓缶而歌則大耋之嗟也 象曰日
黃之離何可久也

九三居下卦之止陽明已過乎中而前明將盡在天

則晝之時夜故有日晏之象在人則壯而老矣故為
大耋之象然晝夜生死常理也一息尚存此志不容
少懈奈何日中不努力至日晏茫然失措不鼓壺而
歌謂人生幾何而似喜樂以永日則大耋為嗟而朝
不謀夕俱死日之時臨是歌則忘生而棄事嗟則傷
生以害身皆凶道矣離本日象下明時晝其不明也
如此象曰日晏之離何可久也三過中故晏日晏則
時不久矣而嘆歌嗟嘆皆非可久之道然則人不及
時奮勵徒陶情絲竹嘆老嘆悲何為哉可見歌與嗟
皆非中道惟終日乾乾學有緝熙于光明不知老之

將至則不以老少動其情矣否則未光不為九三之
去者

九四突如其來如焚如死如棄如 象曰突如其來如
無所容也

九四居下卦之上上卦之下離之繼明火之重炎也
重剛燥烈之勢突如其來如而氣燄焚如殆有不可
撲滅者則不戢自焚必至死如棄如而後已所以象
曰無所容也言必焚棄死也要之陽明屬火其剛一
也明之於人猶火之於木火宿于木而能焚木明本
於人而能害人顧用之何如耳九四不中不正剛氣

燥暴其害若此人以聰明才智為氣所使而得禍反
酷烈矣可不戒哉

六五出涕沱若戚嗟若吉 象曰六五之吉離王公也
六五柔順在中不若九二之中而正也是以不免憂
懼故有出涕沱若戚嗟若之象然柔居剛位守中如
棋則操心危慮患深而生于憂患故吉夫以涕沱之
哀戚嗟之憂而終歸于吉者柔麗乎剛明早見故也
象曰離王公也王公即上九王用出征者是也六五
雖柔實附麗上九之剛此其所以吉歟

離者麗也柔麗剛也五柔上剛故在五曰離王公在

上曰王用出征人可執定五位為君位哉
上九王用出征有嘉折首獲匪其醜無咎 象曰王用
出征以正邦也

上九以剛明居上明而能斷者也雖萬邦皆其所附
麗而文明之世不廢武功彼元惡足為文明之累者
不容不除是以王用出征則有嘉美之功然惟折其
首惡匪以獲其醜類即書所謂殲厥渠魁脅從罔治
是也離火內暗外明上九剛明于外者也成明並至
故无咎離為甲冑為兵戈剛在上即王用出征之象
或云折首指四亦不必拘泥象曰王用出征以正邦

也征之為言正也正元惡之不正者斯萬邦一歸于
正矣剛而明故無所不正

坎上屬陰本陽之所由陷故凶離上屬陽本陰之所
由麗故吉坎體本陽水滿則流故二不如五之剛而
實離體本陰火炎則滅故五不如二之柔而虛